

Mooi is t altied in de Twentse boerschop

Ko van Deirse

Wat is de Twentse boerschop mooi te
mei as alles bleuit,
as duur de bekk' langs bloom en blad
weer 't held're water vleuit
as 't rooie dak van 'oale hoes
scheint duur 't jonge greun,
en kessen-, appel-, perebööm'
stoatt in den hof te bleu'en,
as op den es de rogge steet,
de possel'n stoeft in 'n mörs
en in de möä 't jonge vee
Geet knee-hoog duur 't grös.

Dan sjielpt de jonge vöggelkes
dan zoemt de iemen rond
in 't höfken vuur de boavenduur,
doar bleuit de blöömkes boont.
En 's herfst as 't oale schèèper met
zien schöpkes löp duur 't heet,
as 't veld zo wied as m'n kan zeen
vol peerse blöömkes steet,
dan zut 't weer heel anders oet
meer mooi is 't hier altied,
dow vin's 't nargens zo as hier
zeuk vri-j meer wied en zied'

Uit:

Uit het land van katoen en heide,
Enschede, 19252, 378